

& spatiosam, & omnium rerum copia refertam  
 vestrae mandant ditioni parere. Sub Romano-  
 rum haec tenus clientela, ac tutela liberaliter vi-  
 ximus: post Romanos vobis meliores ignoramus:  
 ideo sub vestrae virtutis alas fugere quaerimus.  
 Vestra virtute, vestris armis hostibus tantum su-  
 periores inveniatur, & quicquid imponitis ser-  
 vitii libenter sustinemus. *Patres ad haec pauca respon-*  
*dent, certos amicos Brettis Saxones sciatis, & eo-*  
*rum necessitatibus, atque commodis aequae sem-*  
*per affuturos. Legati lati redierunt in patriam, exopta-*  
*to nuntio socios latiores reddentes. Deinde promissus in Bri-*  
*tanniam mittitur exercitus, & gratanter ab amicis sus-*  
*ceptus, in brevi liberat regionem a latronibus, restituens*  
*patriam incolis. Neque enim in id agendo multum laboris*  
*fuit: quippe qui jam olim audita fama Saxonum percussi*  
*terrebantur, dummodo praesentia eorum procul pelluntur.*  
*Erant enim haec gentes Brettis adversae, Scoti, & Pehiti: ad-*  
*versus quos militantes Saxones accipiebant a Brettis omnia*  
*ad usum necessaria. Manserunt itaque in illa regione ali-*  
*quanto tempore, vicaria Brettorum bene usi amicitia. Ut*  
*autem viderunt principes exercitus terram latam, ac fer-*  
*tilem, & incolarum manus ad bellandum pigras, se vero ac*  
*maximam partem Saxonum sine certis sedibus, mittunt ad*  
*vocandum majorem exercitum, & pace cum Scotis, &*  
*Pehitis firmata, in commune contra Brettos consurgunt,*  
*eosque regione propellunt, suae ditioni regionem distribuunt.*  
 Haec Witichindus.

\* Pili.

SAXONVM, & aliarum gentium, originem, &  
 etymon non solum monachi eruditae antiquitatis  
 ignari, verum etiam recentiores limatuli iudicii  
 homines commentitiis fabellis involverunt, Alii  
 a Saxone Negnonis filio, & Vandali fratre, alii a  
 faxea natura, alii a Macedonici exercitus reli-  
 quiis, alii a cultellis, unde rhythmus est apud En-  
 gelhusium,

*Quippe brevis gladius apud illos Saxa vocatur,  
 Unde sibi Saxo nomen traxisse putatur.*

Crantzius autem a Cattis Germaniae, & eruditus  
 ille Capnio a Phrygiis deducit. Ex his quisque  
 quod placeat, sequatur. Hujusmodi enim opi-  
 nionum commenta non ego convellam. Ample-  
 ctenda tamen, ut potior, videatur illa Germano-  
 rum eruditissimorum qui Saxones a Sacis praes-  
 tantissimo Asiae populo ortos, & sic dictos quasi  
 Sacafones, id est Sacarum filii, & a Scythia, sive Sar-  
 matia Asiatica, cum Getis, Suevis, Dacis, & aliis  
 paulatim se in Europam effudisse opinantur. Nec  
 ratione caret haec eorum opinio quae Saxones ex  
 Asia deducit, in qua ortum, & multiplicatum  
 genus humanum. Nam praeterquam quod Stra-  
 bo scripsit, Sacas illos, ut antea Cimerii, longin-  
 quas invasiones fecisse, & Armeniae partem de  
 suo nomine Sacacenam dixisse: etiam Saffones, Sue-  
 vos, Massagetas, Dahos in illa Scythiae parte col-  
 locat Ptolemaeus, & observat Cifnerus, has gen-  
 tes eandem prope in Europa conservasse vicini-  
 tatem, quae ipsis olim inter se in Asia fuerat.

Saxones a  
 Sacis Asiae.

Lib. II  
 Melan-  
 Eho.  
 Cifnerus.

Michael  
 Neander.

Nec minus probabile est, Saxones nostros ab  
 his vel Sacis, vel Saffonibus Asiae venisse, quam  
 Germanos a Germanis Persiae, quorum meminit  
 Herodotus, quod ipsi tamen ex linguae affinitate  
 quodammodo asseverant, Nam Fader, Muder,  
 Brader, Tutchter, Band, & similia in Persica lingua  
 hodie reperiri, pro patre, matre, fratre, filia,  
 vinculo, docet singulari eruditione Iosephus  
 Britannia.

Scaliger. Caeterum cum Saxones primum orbi  
 innotuerunt, in Cimbrica Chersoneso, quae  
 nunc *Denmarke*, agitarunt, ubi Ptolemaeus illos  
 statuit, qui primus eorum mentionem fecit. Nec  
 Saxones, ut habent nonnulli libri, sed Axones  
 apud Lucanum verius legitur in illo versu,

Axones  
 Galliae  
 populi.

*Longisque leves Axones in armis.*

Ex hac Cimbrica Chersoneso, Dioclesiani tem-  
 pore cum vicinis suis Francis littora nostra infe-  
 sta habuerunt, illisque propulsandis Carausium  
 praefecerunt Romani. Postea Albim fluvium  
 transeunti, partim in Suevorum fedes paulatim  
 concesserunt, ubi nunc Saxoniae Ducatus, partim  
 in Frisiam & Bataviam jam a Francis dereli-  
 ctam se receperunt. Franci enim qui prius peni-  
 tissimas illas Frisiae paludes (quarum nonnullae  
 eluvionibus in mare illud quod *Zuider-see*, hodie  
 appellant, abierunt) infederant, & Bataviam oc-  
 cuparant, sub Constantio Chloro, Constantino  
 Maximo, ejusque filiis in leges recepti, & ad de-  
 ferta Galliarum colenda translati, vel ferro sibi  
 in uberiores regiones viam aperientes, vel, ut  
 Zosimus tradit, a Saxonibus pulsi Batavia cesse-  
 runt. Iam inde omnes accolae ora illius maritimae  
 in Germania qui Piraticam exercuerunt, ut an-  
 tea in Francorum, ita nunc in SAXONVM no-  
 men coaluerunt. Illi scilicet populi qui Iutiam,  
 Slesvicum, Holfatiam, Ditmarsiam, Episcopatum  
 Bremensem, Comitatum Oldenburgensem, Fri-  
 siam utramque & Hollandiam inhabitant. Gens enim  
 Saxonum, ut scribit Fabius Quaestor Ethelwer-  
 dus & ipse ex Saxonum stirpe regia, in toto erat  
 maritima a Rheno flumine usque ad Doniam ur-  
 bem qua nunc vulgo *Dane-marc* nuncupatur. Quem au-  
 thorem, ut agnoscam per quem profeci V. Cl. Thomas  
 Allen Oxoniensis plurimis & optimis artibus ornatissimus  
 primus eruit, & mihi cum multis aliis pro sua humanitate  
 impertivit.

Zosimus.

Ethelwer-  
 dus  
 Abnepos  
 Adulsi  
 Regis flo-  
 ruit circa  
 950.

Ex hac ora Saxones crebris Romanorum fu-  
 neribus pasti, saepenumero in Romanorum pro-  
 vincias irruerunt, & hanc insulam diu infesta-  
 runt, donec ipse Hengistus adveniret. Quem ex  
 Batavia, sive Hollandia in Britanniam solvisse, &  
 arcem illam Lugduni Batavorum, sive Leidae  
 construxisse testantur Batavorum annales, & no-  
 bilis ille illustri ingenio, & doctrina Ianus Doufa,  
 qui canit, de Burgo, sive arce illa:

*Quem circinato mœnium ut ambitu,  
 Sic arcuatis fornibus novum  
 Putatur Hengistus Britanno  
 Orbe redux posuisse victor.*

Oda secun-  
 da Lugda-  
 nensis.



IVTAS, quos a Gutis, Getis, sive Gothis dictos  
 multi arbitrantur (*Geatum* enim in M. S. codice  
 legitur) superiorum Cimbricae Chersonesi par-  
 tem incoluisse certum est, quae etiamnum Danis  
*Iutland* dicitur, a *Guttis*, quos in Scandia colloca-  
 vit Ptolemaeus, forte prognati, quorum sedes  
 hodie *Gothlandia* dicta. Quam tamen cave putes  
 cum Iornande fuisse patriam Gothorum qui Eu-  
 ropam victoriis sunt permensis; illos enim ultra  
 Istrum ad pontum Euxinum incoluisse, Getasque  
 prius dictos fuisse vetustissimi & fide dignissimi  
 quique scriptores prodiderunt.

Inte.

Spartianus  
 Trebellius  
 Pollio Ca-  
 pitolinus  
 &c.

Quas vero sedes Angli habuerunt, controver-  
 sum est, nec una sunt omnes opinione. Plurimi  
 in Westphalia ponunt, ubi *Engern* visitur, & Suevi-  
 Angli

Angli.

Q